



Bestalt eines solchen oder dergleichen Ackers oder Feldes zu messen / hab zum ersten eygentlich acht einer jeglichen eck / frümmen oder schlüffeln / zc. die außwendig dem rechten Acker oder Feldt anhangen / ob derselben etlich ganz gerade / dreyeckicht / gleicher oder ungleicher linien / scharffen spizen / od wie die gestalt seynd / vnd als dann dieselben setzen / sie seyn wie sie wollen / klein oder groß / nach vorgelehrten Regeln vnd meinungen der obgeschribenen dreyecketen gleichen / ungleichen vnd andern Figuren / mit der Ruten / oder (ob sie zu klein / dz sie die Rut nicht ganz begreiffen möcht) mit den schusken messen / vnd in die vierung (jede für sich) was innhalt / messen vnd rechnē. Darnach nimm das mittel größt Corpus / wie hievor in der dritten Regel gelehrt / so findestu die recht maß des Feldes / vnd jeder eck besonder / zc.

Exempel auff die Regel.

Dies Feldt mit seinen ecken vnd neben orten zu messen / nimm dis Exempel. Vnd zu besserem verstandt hab ich zum ersten die Eck vnd den Acker mit 5. Buchstaben gezeichnet. Nun / das mittel nebeneck / auff der seiten mit dem Buchstaben A. gezeichnet / vergleicht sich ein gleichen Triangel / der auff allen seiten drey gleiche Linien hat / Dasselbig
D eck richte